

9 - KUIKABILI HUKUMU KWA UJASIRI



1

Hakimu ya Upande Wako



2

James wa kwanza, mmoja wa Wafalme wa Uingereza, anatajwa akiwa katika kujaribu nafasi yake kama hakimu. Kwa uangalifu kabisa alisikiliza upande mmoja wa kesi. Alikuwa karibu kabisa aamue kufanya uamuzi wake alipoamua kusikiliza upande wa pili wa kesi.

Kisha hali akiwa amekanganyikiwa kabisa, hakujua la kufanya. Watu aliowadhamia kutokuwa na hatia, sasa walionekana kuwa na hatia. Watu walioonekana mwanzo kuwa na hatia sasa walionekana kutokuwa na hatia. Matokeo yake aliacha nafasi ya uhakimu katika hali ya kukata tamaa.

Mfalme James wa kwanza akaliweka hivi, Ningeendelea vizuri sana kwa kusikia upande mmoja peke yake, lakini wakati pande zote mbili ziliposikika kwa roho yangu, sijui sahihi ni ipi. Hakimu aliyechanganyikiwa atakuwa na wakati mgumu kufanya uamuzi ulio sahihi.

Mungu ni hakimu asiye na upendeleo, anayetumia haki kikamilifu na aliye sahihi.

Hachanganyikiwi kabisa anapotuhukumu.



3

Biblia inatufundisha ya kwamba kila mmoja wetu anayo kesi inayotusubiri mbele za Mungu.

9 - KUIKABILI HUKUMU KWA UJASIRI



4

Hata sasa, tunapewa mwito wa kwenda hukumuni ili kutoa taarifa ya jinsi ambavyo tumeishi na yale ambayo tumeyatenda.

Kila mwanamume na mwanamke ambaye amewahi kuishi anayo kesi inayomsubiri mbele za baraza ya hukumu ya Mungu -- mahakama ya juu kuliko zote katika ulimwengu.

Mtume Paulo anasema juu ya miadi ambayo dunia nzima lazima iitunze:



5

(Fungu: Matendo 17: 31)

Kwa maana ameweka siku atakayowahukumu walimwengu..... Matendo 17:31. Hakuna atakayekuwa na udhuru. Hakuna awezaye kukwepa mwaliko huo.

Biblia inataja wazi ya kwamba kila mmoja lazima awepo:



6

(Fungu: 2 Wakorintho 5:10)

Kwa maana imetupasa sisi sote kudhihirishwa mbele ya kiti cha hukumu cha Kristo.....

2 Wakorintho 5: 10.



7

Tuamini tusiamini.

Tupende tusipende.

Tujiite Wakristo au la.

Haijali ni nani lazima sote tuwepo.

Mungu hana upendeleo.

Tunapoitwa na mahakama ya mbinguni, lazima tuwepo. Kwa nini?

Paulo anatoa jibu:



8

(Fungu: Warumi 14:12)

Basi ni hivyo, kila mtu miongoni mwetu atatoa habari zake mwenyewe mbele za Mungu.

Warumi 14:12.

9 - KUIKABILI HUKUMU KWA UJASIRI



9

Uamuzi wa mahakama ya mbinguni utaweka muhuri wa milele kwa hatima ya kila mtu. Na uamuzi hautabadilishwa, kwani hakuna mahakama ya juu zaidi ya rufani!



10

Lakini kabla ya tamko la mwisho kutolewa, ama hukumu kupitishwa, lazima kuwe na kesi au upelelezi.

Hebu tufungue Biblia na tuone picha ya hii baraza ya hukumu, au kutaniko la mahakama, kule mbinguni. Nabii Danieli aliandika:



11

(Fungu: Danieli 7:9,10)

Nikatazama hata viti vya enzi vikawekwa, na mmoja aliye mzee wa siku ameketi;



12

mavazi yake yalikuwa meupe kama theluji, na nywele za kichwa chake kama sufu.



13

kiti cha enzi kilikuwa miali ya moto, na gurudumu zake moto uwakao.



14

Mto kama wa moto ukapita mbele zake;



15

Maelfu elfu wakamtumikia,

9 - KUIKABILI HUKUMU KWA UJASIRI



16

na elfu kumi mara elfu kumi wakasimama mbele zake;
hukumu ikawekwa, na vitabu vikafunuliwa.
Danieli 7:9,10.



17

Hapa Danieli anaona picha ya Mungu, Baba, au Mzee wa Siku, akiwa ameketi kwenye kiti chake cha enzi cha milele, huku akiwa amezingirwa na malaika wengi wasiohesabika.

Sasa ona kile alichokiona Danieli kilichofuatia katika njozi yake:



18

(Fungu: Danieli 7:13)
Nikaona katika njozi za usiku, na tazama,



19

mmoja aliye mfano wa mwanadamu, akaja pamoja na mawingu ya mbingu!



20

Akamkaribia huyo mzee wa siku, wakamleta karibu naye.
Danieli 7:13.



21

Hapa Mwana wa Mungu anaonekana akiwa amesimama mbele za Mzee wa Siku.
Ni jinsi gani hii inafanana na mahakama hapa Duniani!

Yupo Hakimu anayeendesha kesi yote: Mzee wa Siku.
Wapo mashahidi: malaika watakatifu ambao wameona na kurekodi kila kitu.
Na waliosimama mbele za kiti cha enzi ni Yesu -
Wakili wa mwanadamu, kama Yohana alivyoandika:

9 - KUIKABILI HUKUMU KWA UJASIRI



22

(Fungu: 1 Yohana 2:1)
.....tunaye Mwombezi
kwa Baba, Yesu Kristo mwenye haki.
1 Yohana 2:1.




23

Naam, wasema, kila mmoja anaonekana kuwa pale lakini yule atakaye hakikiwa (hukumiwa)! Hii inaleta maana, lakini hebu na utangalie kile Biblia inachokisema:




24

(Fungu: Danieli 7:10)
...hukumu ikawekwa, na vitabu vikafunuliwa.
Danieli 7:10.
Ni wazi vitabu hivi vina taarifa za matendo ya wale wanaosimama ili kuhakikiwa, kwani Sulemani aliandika:




25

(Fungu: Mhubiri 12:14)
Kwa maana Mungu
ataleta hukumuni kila kazi, pamoja na kila neno la siri, likiwa jema au likiwa baya.
Mhubiri 12:14.



26

(Fungu: Malaki 3:16)
Malaki anaongezea: Ndipo wale waliomcha BWANA waliposemezana wao kwa wao. Naye BWANA akasikiliza, akasikia;



27

na kitabu cha ukumbusho kikaandikwa mbele zake, kwa ajili ya hao waliomcha BWANA, na kulitafakari jina lake.

Malaki 3:16.

Mungu anatambua kila wakati mioyo yetu inapovutwa kwake. Ananukuu kila neno la kutia moyo tulitoalo kwa mtu mwingine na kila tendo la wema.
Mfalme Daudi pia alijua juu ya taarifa kwani alisema:

9 - KUIKABILI HUKUMU KWA UJASIRI



28

(Fungu: Zaburi 56:8)

Uyatie machozi yangu katika chupa yako;
(Je! Hayamo katika kitabu chako?) Zaburi 56:8.
Mungu anajua juu ya simanzi za ndani zaidi za maisha yako pia.

Kwa kweli, Mungu anajua yote yanayotuhusu, kwani Daudi aliandika pia:



29

(Fungu: Zaburi 139:1,3,16)

Ee BWANA, umenichunguza
na kunijua.



30

.....Umeelewa na njia zangu zote.



31

.....Chuoni mwako

ziliandikwa zote pia, Siku zilizoamriwa
kabla hazijawa bado.
Zaburi 139:1,3,16.



32

Wakati Mungu ajua yote yanayotuhusu, siyo lazima kwake kutunza taarifa kwa faida yake.

Taarifa zinatunzwa kwa faida ya ulimwengu, hivyo kuna kithibisho dhahiri cha upendo wa Mungu na haki kwa kila kesi.

Uwajibikaji wetu kwa Mungu ni wazo uchaji.



33

Kila mmoja lazima atoe taarifa kwa ajili ya karama iliyo ya muhimu kuliko zote - maisha! Hiki ndicho Sulemani alichosema alipoandika:



34

(Fungu: Mhubiri 11:9)

Wewe kijana, uufurahie ujana wako, na moyo wako ukuchangamshe siku za ujana wako;

9 - KUIKABILI HUKUMU KWA UJASIRI




35

ukaziendee njia za moyo wako, na katika maono ya macho yako,




36

lakini ujue wewe ya kwamba kwa ajili ya hayo yote Mungu atakuleta hukumuni.
Mhubiri 11:9.



37

(Fungu: Mathayo 12:36,37)
Mathayo aliandika:....Kila neno lisilo maana, watakalolinena wanadamu, watatoa hesabu ya neno hilo siku ya hukumu.



38

Kwa kuwa kwa maneno yako utahesabiwa haki, na kwa maneno yako utahukumiwa.
Mathayo 12:36,37.




39

Mtu mmoja amekadiria ya kwamba mtu wa kawaida hunena kwa juma maneno ya kutosha kujaza kurasa 320!
Katika miaka 60, hilo lingemaanisha vitabu zaidi ya 3,000!



40

Je maktaba yako ya vitabu ingelisema nini katika hukumu?
Na zaidi ya hapo, hata nia zilizopelekea maneno hayo na matendo yote yatawekwa wazi ili yaonekane:



41

(Fungu: 1 Wakorintho 4:5)
.....Atayamulikisha yaliyo sitirika ya giza, na kuyadhihirisha mashauri ya mioyo.....
1 Wakorintho 4:5.

9 - KUIKABILI HUKUMU KWA UJASIRI



42

Hakutakuwa na kufuta, wala kufunika funika chochote siku ile!

Watu wanaweza kudanganya marafiki zao na hata familia zao, lakini hakuna awezaye kumdanganya Mungu.

Yeye husoma siri za moyo!



43

Unaona, siku yetu ya hukumu ikifika, tutajikuta katika moja ya sehemu mbili:

Ama taarifa yetu yote ya kushindwa kwetu wakati wa uliopita itakuwa imefunikwa na damu ya Yesu, ama taarifa yetu itasimama kutuhukumu.

Na kwa kweli, siyo jinsi tunavyojiita, lakini jinsi tulivyo halisi na yale tuyatendayo ndivyo viletavyo tofauti!



44

(Fungu: Mathayo 16:27)

Tunaambiwa ya kwamba wakati Yesu akija,ndipo atakapomlipa kila mtu kwa kadiri ya matendo yake. Mathayo 16:27.


Matendo yetu mema siyo msingi wa wokovu wetu, neema ya Mungu ndiyo msingi. Lakini matendo yetu hufunua kama mioyo yetu imekabidhiwa kwa Mungu.



45

Sasa, pengine unasema, Kama tunaokolewa kwa neema, kwa nini tunahukumiwa kwa matendo yetu? Hilo ni swali zuri!

Dk. Sakae Kubo aliandika hivi karibuni:



46

Hebu na tufikirie ingekuwa na maana gani kama hukumu haingekuwa na msingi katika matendo.



47

Mungu angelituhukumu kwa msingi upi, ngozi yetu, rangi yetu, daraja letu katika jamii, elimu yetu, muonekano wetu, talanta yetu, nguvu zetu,

9 - KUIKABILI HUKUMU KWA UJASIRI



48

ushirika wetu kanisani, au tu kwa sisi kumkiri Kristo hadharani? Mungu anaweza tu kutuhukumu kwa matendo yetu, mema au mabaya.
Mwito Wako Mahakamani, uk.20.



49

Haya ni matokeo yanayokuja yenyewe kama matunda ya moyo uliojaa upendo kwa Mungu na kwa mwanadamu.

Ni uhusiano wa upendo na Yesu ambao unachochea wafuasi wake kutenda matendo mema.

Akihitimisha katika Kitabu cha Mhubiri, Sulemani alisema:



50

(Fungu: Mhubiri 12:13,14)

Hii ndiyo jumla ya maneno yote yamekwisha sikiwa:



51

Mche Mungu, nawe uzishike amri zake: Maana kwa jumla ndiyo impasayo mtu.



52

Kwa maana Mungu ataleta hukumuni.....
Mhubiri 12:13,14.

Kwa sababu uhusiano wa mtu na Kristo utahukumiwa kwa mwenendo wake, lazima kuna kiwango dhahiri ambacho mwenendo hupimwa kwacho.



53

Katika taratibu za sheria zetu hapa duniani, kusudio la kawaida la mahakama ni kuhakikisha kama uhalifu umetendeka -- kama sheria imevunjwa. Pale tu inapohakikishwa kwamba sheria imevunjwa ndipo mtu anapopatikana na hatia.



54

Katika hukumu ya Mungu kuna sheria au kiwango, na Yakobo analiweka wazi kuwa ni sheria ipi itakayoinuliwa.

9 - KUIKABILI HUKUMU KWA UJASIRI



55

(Fungu: Yakobo 2:12)
Semeni ninyi,
na kutenda kama watu watakaohukumiwa kwa
sheria ya uhuru.
Yakobo 2:12.



56

(Fungu: Yakobo 2:11)
Katika fungu lililopita, Yakobo anataja amri mbili,
Usizini, na Usiue.
Hivyo ni wazi, Amri Kumi za Mungu ni sheria
iitwayo Sheria ya Uhuru ambayo kwayo maisha ya
watu yatahukumiwa.



57

Hukumu itadhihirisha tu sehemu gani tunasimama
katika pambano kuu kati ya Kristo na Shetani.
Je, tupo na Kristo?
Je, tumemruhusu aishi ndani yetu?



58

Je, tumekuwa na upendo wa juu kwa ajili yake na
mapenzi yake kama inavyoelezwa katika Amri Kumi?
Je, ni tamaa yetu kufuata mapenzi yake kwa uwezo
wake?
Je, ameandika sheria yake katika mioyo yetu?



59

Unaona, wahamiaji wanapotamani kuwa raia wa
nchi, wanatakiwa waape kuwa watii kwa nchi ile,
waahidi kuwa raia watiifu na kuzishika sheria za
nchi ile.



60

Vivyo hivyo na Wakristo. Wakati wanapomkubali
Kristo na kutamani kuwa raia wa ufalme wake,
Mungu anawauliza kuahidi kumpa upendo na utii
yeye na kuzishika sheria za serikali yake.

9 - KUIKABILI HUKUMU KWA UJASIRI




61

Hata hivyo, siyo raia wote wanaosalia kuwa waaminifu kwa maagano yao. Baadhi kwa nje huonekana kuwa raia wema wa nchi, lakini baadaye hukutwa wakiwa waharibifu. Hili linapohakikishwa, uraia wa mtu huyo huondolewa na mtu huyo huondolewa katika nchi.



62

Vivyo hivyo, siyo Wakristo wote wanaosalia kuwa waaminifu katika maagano yao. Haitoshi kuitwa mwenye haki sasa, tunapaswa kusalia tukiwa waaminifu kwake hadi ajapo/ Haitoshi kujidai ya kwamba tu wafuasi wa Kristo, lazima turuhusu maisha ya Yesu yasiyo na upungufu wowote ya utii na uaminifu yawe ndani yetu.



63

(Fungu: Mathayo 7:21)
Yesu alisema, Si kila mtu aniambiaye, 'Bwana, Bwana,' atakayeingia katika ufalme wa mbinguni;



64

bali ni yeye afanyaye mapenzi ya Baba yangu aliye mbinguni. Mathayo 7:21.
Pambano zima kati ya wema na uovu, kati ya Kristo na Shetani, linahusu tabia ya Mungu ya upendo.



65

Na sheria ni kiwango cha tabia ile katika maandishi. Mshangao kidogo ya kwamba inaonekana sana katika hukumu ya mwisho!



66

Lakini ukweli wa kushangaza zaidi ambao unafahamika kwa Wakristo ni kwamba mahakama ya mbinguni inaendelea hivi sasa!
Kwa hakika, kitabu cha mwisho cha Biblia, Ufunuo, hufunua ya kwamba hukumu ya Mungu inaendelea sasa hivi.

9 - KUIKABILI HUKUMU KWA UJASIRI



67

Hii ndiyo sababu, katika sura za mwisho za Kitabu cha Ufunuo, Yohana anaeleza kwa ufupi onyo la mwisho kwa dunia na mwaliko katika maneno haya:



68

(Fungu: Ufunuo 14:6,7)

Kisha nikaona malaika mwingine, akiruka katikati ya mbingu,




69

mwenye injili ya milele, awahubiri hao wakaao juu ya nchi-



70

na kila taifa na kabila na lugha na jamaa----



71

akasema kwa sauti kuu, 'Mcheni Mungu, na kumtukuza, kwa maana saa ya hukumu yake imekuja;



72

Msujudieni yeye aliyezifanya mbingu na nchi na bahari na chemchemi za maji.'
Ufunuo 14:6,7.



73

Utatambua ya kwamba ujumbe huu hauseri hukumu itakuja, unasema, saa ya hukumu imekuja.


9 - KUIKABILI HUKUMU KWA UJASIRI



74

Sehemu ya pili ya ujumbe huu unaokuja katika sehemu kuu tatu, ni mwito kwa watu wa Mungu watoke katika mifumo ya kidini bandia ambayo itakuwepo katika siku za mwisho.


Sehemu ya mwisho ya ujumbe huu wa mwisho kwa dunia inawaonya watu wa Mungu kuwa macho wasiabudu mamlaka ya mnyama ya Ufunuo 13.



75

(Fungu: Ufunuo 14:9,10)

...Mtu awaye yote akimsujudu huyo mnyama na sanamu yake, na kuipokea chapa katika kipaji cha uso wake, au katika mkono wake.



76

Yeye naye atakunywa katika mvinyo ya ghadhabu ya Mungu iliyotengenezwa,... Ufunuo 14:9,10.

Sasa, tazama fungu la 14 na la 15, ambayo hufuatia tangazo la ujumbe wa malaika watatu:



77

(Fungu: Ufunuo 14:14,15)

Kisha nikaona, na tazama, wingu jeupe, na juu ya wingu hilo ameketi mmoja, mfano wa Mwanadamu,



78

mwenye taji ya dhahabu juu ya kichwa chake, na katika mkono wake mundu mkali.



79

Na malaika mwingine akatoka katika hekalu, akimlilia kwa sauti kuu yeye aliyekuwa ameketi juu ya lile wingu,



80

'Tia mundu wako, ukavune; kwa kuwa saa ya kuvuna imekuja;

9 - KUIKABILI HUKUMU KWA UJASIRI



81

kwa kuwa mavuno ya nchi yamekomaa.'
Ufunuo 14:14,15.



82

Mavuno ya dunia ni nini? Ni mwisho wa dunia.
Mavuno yanahusu kuja kwa Kristo mara ya pili. Ni kitu gani ambacho hutokea kabla ya kuja kwa mara ya pili kwa Yesu? Hukumu ya Mungu.

Hukumu yake inafunua kwamba ni nani aliye tayari kwa ajili ya kuja kwake. Lakini lazima tutulie na kulichunguza somo hili kwa undani zaidi. Labda unashangaa kuwa hukumu hii ilianza lini?



83

Ufunguo unapatikana katika unabii wa pekee sana katika Kitabu cha Danieli!



84

(Fungu: Danieli 8:14)

Hata nyakati za jioni na asubuhi elfu mbili na mia tatu; ndipo patakatifu patakapotakaswa.

Danieli 8:14. Huu ni unabii wa muda mrefu kuliko wote katika Biblia.



85

(Fungu: Ezekieli 4:6)

Katika unabii tunaona ya kwamba siku inawakilisha mwaka.

siku moja kwa mwaka mmoja, nimekuagiza.

Ezekieli 4:6. Hivyo siku 2300 huwakilisha miaka 2300.



86

Miaka 2300 ni sehemu ya unabii wenye mambo mengi sana unaopatikana katika kitabu cha Danieli sura za 7,8, na 9.

9 - KUIKABILI HUKUMU KWA UJASIRI



87

Unabii huu unasonda tarehe halisi ya ubatizo na kusulubishwa kwa Bwana wetu. Pia hufunua wazi kabisa wakati halisi wa hukumu kuanza.



88

Siku hizi za kinabii 2300 au kipindi hiki cha miaka 2300 kilianza wakati wa amri ya Mfalme Artashasta kurejesha Yerusalemu na kuujenga upya uchumi wake. Wana wa Israeli walikuwa wamekaa mateka katika Babeli kwa miaka 70 na walitamani kwenda nyumbani na kujenga upya jiji lililopendwa



89

Hatimaye, katika mwaka wa 457 K.K., Mfalme alitoa tamko liliokuwa likisubiriwa kwa muda mrefu. Miaka elfu mbili na mia tatu kutokea tarehe ile, huishia katika mwaka wa 1844 B.K.

Sasa hebu turejee katika fungu letu. Hata siku elfu mbili na mia tatu za kinabii au miaka halisi, ndipo hekalu litakapotakaswa. Tumeona ya kwamba unabii huu unakwenda hadi mwaka wa 1844. Utakaso wa hekalu ni nini?



90

Mwaka wa 1844 kile ambacho Biblia inakieleza kama Saa ya Hukumu ya Mungu ilianza. Mshale uligonga katika saa halisi. Waweza uliza, Hukumu inahusianaje na utakaso wa hekalu ambao Danieli alitabiri utatendeka mwishoni mwa siku 2300?



91

Utakaso wa hekalu ni nini? Huu una uhusiano gani na hukumu? Biblia inaeleza juu ya mahekalu mawili - moja la hapa duniani, na lingine la mbinguni.



92

Katika Israeli ya kale, watu walileta kafara zao kila siku hekaluni.

9 - KUIKABILI HUKUMU KWA UJASIRI



93

Pale waliungama dhambi zao na kutoa uhai wa mwana-kondoo kuonyesha imani yao kwa mauti iliyokuwa ikija mbele yao ya Yesu, Mwana wa Mungu.



94

Leo, kama tukitenda dhambi, tunamuomba Mungu atusamehe dhambi zetu kwa sababu Yesu alikufa mahali petu ili alipe deni la dhambi.



95

Hata hivyo, kabla ya Kalvari, watu hawakuwa na kafara ya kuitizama nyuma yao, hivyo badala yake kwa imani walitizama mbele wakati Mwana-Kondoo wa Mungu angelikufa kwa ajili yao.

Kwa kitendo cha kutoa kafara ya mnyama asiye na hatia, walitambua imani yao katika Mwokozi ambaye angekuja na kufa ili afanye iwezekane kwao kupata msamaha.



96

Kisha kwa ishara dhambi zao zilihamishiwa hekaluni na kuhani aliyenyunyiza damu toka kwa mnyama mbele za pazia la Patakatifu Sana ndani ya hekalu.



97

Kisha siku moja kila mwaka, wana wa Israeli waliadhimisha siku takatifu na ibada takatifu iliyoitwa Siku ya Upatanisho au utakaso wa hekalu. Kwa wana wa Israeli, hii ilikuwa ni siku ya hukumu.



98

Siku kumi kabla ya Siku ya Upatanisho, tarumbeta zililia, zikiwakumbusha wana wa Israeli ya kwamba ulikuwa wakati wao wa kufanya hesabu ya maisha yao--kutubu na kuungama dhambi zao.

Wote walioshindwa kufanya hivyo wallihamishiwa mbali na kambi.



99

Kwa maana siku hiyo upatanisho utafanywa kwa ajili yenu, ili kuwatakasa;

9 - KUIKABILI HUKUMU KWA UJASIRI



100


nanyi mtatakaswa na dhambi zenu zote mbele za BWANA.

Mambo ya Walawi 16:30.



101


Sasa, Kitabu cha Waebrania kinalifanya hili kuwa wazi ya kwamba hekalu la kidunia na huduma yake lilikuwa kielelezo cha hekalu la mbinguni ambapo Kristo Kuhani wetu Mkuu anapotusamehe dhambi zetu.



102

(Fungu: Waebrania 8:1,2)

Paulo anasema, ...tunaye kuhani mkuu wa namna hii, aliyeketi mkono wa kuume wa kiti cha enzi cha Ukuu mbinguni.



103

mhudumu wa patakatifu na wa ile hema ya kweli, ambayo Bwana aliiweka wala si mwanadamu. Waebrania 8:1,2.



104

(Fungu: Waebrania 9:11, 12, 24)

Na tena: Lakini kama Kristo akiisha kuja, aliye kuhani mkuu.....



105

...bali kwa damu yake mwenyewe aliingia mara moja tu katika Patakatifu,



106

akiisha kupata ukombozi wa milele....



107

Kwa sababu Kristo hakuingia katika patakatifu palipofanyika kwa mikono,

9 - KUIKABILI HUKUMU KWA UJASIRI




108

ndio mfano wa patakatifu halisi; bali aliingia mbinguni hasa,



109

aonekane sasa usoni pa Mungu kwa ajili yetu.....
Waebrania 9: 11, 12,24.
Kifo cha Kristo Kalvari kilitoa upatanisho wenye kafara ulio kamili kwa ajili ya dhambi zetu.



110

(Fungu: Waebrania 7:25)
....Aweza kuwaokoa kabisa wao wamjiao
Mungu kwa yeye;



111

maana yu hai siku zote ili awaombee.
Waebrania 7:25.
Madhabahu ya kweli au hekalu liko mbinguni.
Kila kitu kinachotokea hapa duniani ni mfano tu wa kile kinachotokea katika mpango wa wokovu.
Yesu ni Mwana-Kondoo anayekufa. Yesu ni kuhani anayeishi. Yesu ni Kuhani Wetu Mkuu.
Kama jinsi Kuhani Mkuu wa Israeli alivyoingia Mahali Patakatifu sana mara moja kwa mwaka, vivyo hivyo Yesu wakati wa mwisho aliingia Patakatifu Sana kutenda kazi yake ya hukumu.



112

(Fungu: Mathayo 10:32,33)
Katika hukumu, ni uhusiano wetu na mtizamo wetu kwa Kristo utakaoamua juu ya hatima yetu ya milele. Kristo anatamani kutuokoa.
Anatenda kila awezacho ili kutuokoa. Anasema, Basi kila mtu atakayenikiri mbele ya watu,



113

nami nitamkiri mbele za Baba yangu aliye mbinguni.

9 - KUIKABILI HUKUMU KWA UJASIRI



114

Bali mtu yeyote atakayenikana mbele ya watu, nami nitamkana mbele za Baba yangu aliye mbinguni.
Mathayo 10:32,33.



115

Je, unaona? Huhitaji kusimama mwenyewe kwenye hukumu!
Kama tukimkiri Kristo, atatukiri mbele za Baba yake. Kama sisi tu wa Kristo, Yeye ni Wakili wetu. Kupitia kwa Yesu tutasimama mbele za Mungu kana kwamba hatujawahi kutenda dhambi.



116

Taarifa zetu zitaonyesha tu maisha ya upendo ya Mwokozi wetu, na tunapata sifa kwa maisha yake yaliyo kamili. Kwa hiyo, rafiki yangu, hakuna la kuhofu juu ya Siku ya Hukumu kwa wale wanaompenda na kumfuata Yesu kwa mioyo yao yote na roho zao zote.
Kwani Yesu atawakilisha sifa ya damu yake mwenyewe iliyomwagika kufunika kila dhambi iliyoungamwa, maana Yohana aliandika:



117

(Fungu: 1 Yohana 1:7)
.....Na damu yake Yesu, Mwana wake, yatusafisha dhambi yote. 1 Yohana 1:7.



118

Tunaishi katika saa za mwisho za Dunia. Hukumu ya upelelezi imekuwa ikiendelea katika mahakama ya mbinguni tangu mwaka wa 1844.



119

Bila ya shaka hukumu ilianza na Habili, mwenye haki wa kwanza kufariki katika Sayari Dunia.

9 - KUIKABILI HUKUMU KWA UJASIRI



120

(Fungu: 1 Petro 4:17)

Petro aliandika: Kwa maana wakati umefika kwa hukumu kuanza katika nyumba ya Mungu.

1 Petro 4:17.

Kwa maneno mengine, hukumu inanza na wale wanaojiita watu wa Mungu.



121

Twaweza kupiga picha katika mawazo yetu siku ya Habili mahakamani.

Kesi yake inapotajwa mahakamani, Mungu anaona maisha ya Habili, na pale ipo taarifa ya ukubali wake wa mauti ya Mwana-Kondoo wa Mungu.



122

Mojawapo ya matendo ya mwisho ya Habili yaliyorekodiwa katika Biblia, ilikuwa ni ile kafara aliyoitoa, akionyesha imani yake kwa Mkombozi anayekuja.

Maisha ya Kristo yamewekwa katika taarifa badala ya yale yake.

Dhambi zake zimefunikwa zote kwa damu ya Kristo.



123

Waweza kuhakikishiwa ya kwamba Yesu, Wakili wa Habili, aliinyoosha mikono yake iliyoogopa misumari na akasema:


Damu yangu, Baba, ililipa deni la Habili.

Na je huwezi tu kusikia wale malaika wengi wasiohesabika wakishangilia wakati Yesu akisema:

Tunza jina la Habili katika Kitabu cha Uzima!

Na jina lake bado liko pale!

Kama jinsi Kristo alivyoahidi:



124

(Fungu: Ufunuo 3:5)

Yeye ashindaye, atavikwa hivyo mavazi meupe,



125

wala sitaifuta kamwe jina lake katika kitabu cha uzima,

9 - KUIKABILI HUKUMU KWA UJASIRI



126

nami nitalikiri jina lake mbele za Baba yangu na mbele za malaika zake.
Ufunuo 3: 5.



127

Bila ya shaka pia, jina la Yuda limepata kuletwa mbele za mahakama ya mbinguni.
Yuda alikuwa mfuasi wa Kristo - alikuwa mmoja wa wanafunzi wake.
Hakuwa mbaya sana, lakini maisha yake hayakufikia kipimo cha heshima alioidai.
Hakumpenda Kristo kupita vyote!



128

Wakati fulani alikuwa akivutwa kwa Kristo, lakini udhaifu mmoja ulipelekea kwa mwingine hadi hatimaye alipomuza Bwana wake kwa vipande thelathini vya fedha!
Kisha katika hali ya uchungu alijinyonga mwenyewe!



129

Yesu alimpenda Yuda. Hata aliinama na kuosha miguu ya Yuda iliyokuwa na vumbi usiku wa Pasaka ya Mwisho! Yesu alitegemea kugusa ule moyo wenye kiburi.
Alitaka aweze kusimama kando yake katika hukumu kama Wakili wake,



130

lakini Yuda aligeukia mbali.
Ni lazima limekuwa jambo la kusikitisha kiasi gani kwa Yesu kupitia jina la Yuda.
Haki yetu wenyewe haiwezi kutuokoa katika hukumu.
Sikiliza:



131

(Fungu: Isaya 64:6)
Kwa maana sisi sote tumekuwa kama mtu aliye mchafu, na matendo yetu yote ya haki yamekuwa kama nguo iliyotiwa unajisi;..... Isaya 64:6.

9 - KUIKABILI HUKUMU KWA UJASIRI



132

Wale tu ambao wameendelea kumfanya Kristo kuwa wa kwanza katika maisha yao waweza kuvaa vazi la haki la Kristo.

Bila hivyo, hakuna mtu atakayetetewa katika hukumu.

Hivyo jina la Yuda linafutwa toka katika Kitabu cha Uzima.



133

Huu ni wakati wa muhimu sana tunaoishi kwawo, Kama jinsi ilivyokuwa kwa Wana wa Israeli, tunahitaji kuchunguza takwimu za maisha yetu. Tunahitaji kutunza ahadi yetu kwa Yesu, kwani ndiyo tu maandalizi pekee yawezekanayo kwa ajili ya kuitwa kwetu mahakamani.

Hivi karibuni rehema kwa ajili ya mwanadamu itafungwa na tamko litasikika:



134


(Fungu: Ufunuo 22:11)

Mwenye kudhulumu na azidi kudhulumu; na mwenye uchafu na azidi kuwa mchafu;...na mtakatifu na azidi kutakaswa.

Ufunuo 22:11.

Wakati huo, rehema na msamaha ambao Mungu ameutoa kwa mwanadamu kwa muda mrefu kiasi hicho vitaondolewa.

Maneno ya kusikitisha sana katika lugha ya kibinadamu yatakuwa ya wale ambao wametupilia mbali wokovu -- ambao hawajamkubali Kristo kama Mwokozi wao na Wakili wao.



135

(Fungu: Yeremia 8:20)

Watasema, Mavuno yamepita, wakati wa hari umekwisha, wala sisi hatukuokoka!

Yeremia 8:20.

Kisha Yesu anarejea Duniani, kwani tunasoma:



136

(Fungu: Ufunuo 22:12)

Tazama, naja upesi, na ujira wangu u pamoja nami, kumlipa kila mtu kama kazi yake ilivyo.

Ufunuo 22:12.

9 - KUIKABILI HUKUMU KWA UJASIRI



137

Rafiki, Yesu anatamani kuwa Wakili katika hukumu! Anatamani uipokee kafara yake katika Kalvari. Anatamani wewe uungame dhambi zako kwake ili apate kuziondolea mbali.

Anatamani jina lako liandikwa katika Kitabu cha Uzima.

Yohana anaelezea juu ya wale watakaoingia na ambao hawataingia katika jiji takatifu:



138

(Fungu: Ufunuo 21:27)

Na ndani yake hakitaingia kamwe chochote kilicho kinyonge, wala yeye afanyaye machukizo na uongo,



139

bali wale walioandikwa katika kitabu cha uzima cha Mwana-Kondoo.
Ufunuo 21:27.



140

Je, ungependa kufungua moyo wako kwa Yesu sasa hivi? Je, ungependa kumuomba achukue toka katika maisha yako chochote ambacho chaweza kukuzuia usiingie katika ufalme wake? Katika hukumu Mungu hufunua kila kitu kwa ajili kutuhusu sisi.

Kila kitu hufunuliwa mbele za ulimwengu huu wote. Dhambi zetu zote hurekodiwa. Je, ungependa dhambi zako zifunikwe - zifunikwe na damu ya Yesu? Je, ungependa Kristo asimame na kusema, Ndiyo, huyu mwanamume, huyu mwanamke, ni wangu halisi. Nimewasamehe dhambi zao.

Nimelifuta deni lao. Nimesamehe hatia yao. Dhambi zao zimefunikwa kwa damu yangu. Zifute toka kwenye taarifa milele. Yesu anasimama katika kiti cha enzi cha mbinguni. Anasimama pale katika hukumu kama Mwokozi wako. Hivi sasa! Je, utampatia maisha yako yote? Kwa nini usiinue mkono wako kuelekea mbinguni sasa hivi tunaposali na useme, Ndiyo, Bwana. Chukua maisha yangu. Ninataka kuwa wako.